

## PRUMIÉ DÉ L'AN

A

## TOULOUSO

PÉR UN PAYSAN DÉ LALANDO

Hé ! qui nou sap ço qu'es que lé prumié dé l'an ,

Oun cadun redeben éfan ,

Oun cadun a las potchos plénos

Dé coumplimens , dé cadeous é d'estrénos ;

Oun nou plaou qué boubous ,

Joujous é toustous ,

Oun la mounédo en cours es l'ammello ensucrado

Qué pago may d'unò embrassado ,

Oun despey le maynatchou

Qué quito à péno l' bourrassou ,

Dinquios a n'aquel qu'es dins l'atgé

A la bilo coumo al bilatgé ,

Tout bol sa part , tout bol un gatgé

Dé tendresso , d'amour ,

Et tout lé douno à soun tour.

Lés papas è mammas , dins aquélo journado

Dé boum matis an lour crambo assiéjado

per lous éfants ,

pitchous et grands

Qué bénoun dé boum cor souéta la bouno annado ;

Es lé jour oum l'on bey un manat d'escouliés

Qitta l'escolo , lour cahiés

Per quista soousés estrénos ,

E sen tourna las pochos plénos.

Cépenden lé moundé jalous

Dé passa per générous ,

Budo sa bourso

Al pas dé courço.

L'abaré anfin , sé destorro aquel jour ,

E douno larjomen..... un gracios bounjour.

Aquel jour es lé jour oum l'on fuch sa guérito

Per ana fa bisito ,

Oun lé soul passo-tens

Es dé fa forço coumplimens ,

Tabés qué benté , qué nèbe ou que plagué ,

Cal qu'aquel jour cadun mentisco , blagué ,

Tout aco , tout aquel baral ,

Per bous embéguina sé cal ;

Qué bouléts ! acos l'usatgé ,

Né cal passa p'r aquiou , ou per pas estré satgé.

Es per lé prumié de l'an

Qué l' boutiquié , qué l' coumerçan

Fa l'embentari





De soun armari ;  
 Qué tout estat, qué tout mestié,  
 Qué lé taillur, lé courdounié,  
 Mentré qué cadun sé furo,  
 Présento sa facturo :  
 Oun lé douctou, lé médéci,  
 Qué souben bous a pas empatchat de mourir,  
 Emboyo l' coumpté à sa pratico,  
 Qué s'enjaouto pas brico  
 Dé l' bézé rébéni.  
 Un tal mémouéro, pécaïré !  
 Es léou séguir del dé l'apouthicaïré :  
 Tandis qué s' mestrés aboucats,  
 Plus ardots, plus abisats,  
 Sé soun faytis paga d'abanço,  
 E mémès san quittance ;  
 An pla fayt, car qui deou, aquel jour de l'an,  
 Jour dé tracas et jour dé bataclan,  
 Ramboyo sans péno,  
 Tout soun moundé à quinzéno.

## II

Cépenden lé ségnou a dit à sous laqués,  
 Dé sé cambia dé l' cap as pès,  
 Parcé qué sa grandou bol ana fa bisito  
 Ambé touto sa suite.  
 Un cop pla poumpounnat nostré marquis,  
 Sé carrant dins un brillant équipatgé,  
 Dins soun parcour, sur soun passatgé,  
 Bisito s'magasis,  
 Qué fan mirouéta, perlos, brillants rubis.  
 Qui dira toutos las merbeillos  
 Sans pareillos,  
 Qué met en mostro lé marchan,  
 Per attira lé chalan, lé prumié dé l'an ?  
 La bilo dé Toulouso  
 Es surtout fièro, glourioso,  
 Dés bélis magasis dé MOUNTEIL, d'ANCELY,  
 D'URGEL, dé BIANCHI,  
 Aqù lé qué bol fa d'estrénos,  
 Ba crounpa diamants, mostros, pendens, cadenos.  
 Mais lé magasin lé plus ressercat,  
 Dins aquel jour préférat,  
 Oun la moundé en cours es l'ammello ensucrado  
 Qué pago, ba ben dit, pla *may d'uno embrassado*  
 Es lé bouin magasin del famus OULIBIÈ,  
 Counfissur qué n'a pas dé parel pe l' mestié,  
 Tabes dé touto la bilo,  
 S'y randoun à la filo,  
 E cadun s'en rében,  
 Satisfayt d'empourta dé qu'amusa la dent,  
 D'abé soun cournet dé pralino,  
 Per fa cadéou à sa bésino.



Anfin res de poulit, res dé tant bel  
 Jouts la capo del Cel,  
 Qué la carrièro qu'a Toulouso on noummo  
 La carrièro dé la Poumo.  
 A qui coumo bézets on pot s'y courbi d'or,  
 Des pes al cap coumo un mylord,  
 Sy bourra dé boubous à mort,  
 Oh ! qué la carrièro dé Lafayette  
 Per estré mens coquéto  
 Nou resto pas d'estré chouëto  
 A qui coumo à la Poumo, on pot y fayré empleto  
 Dé perlos, dé saphirs, mémés dé diamants  
 Qu'an l'art d'embesca l'el de toutis lés passants;  
 Ço qu'ougmento surtout sa rénoummado,  
 N'es pas tant soulomen des brillants la ramado,  
 Mais encaro sous dous choucoulatiès,  
 HEINZ, BLANC, qué soun tabés dé pastissiés,  
 Dé prumiero boulado,  
 Las cocos qu'éliés fan  
 Grossos et pitchounos,  
 Soun talomen bounos,  
 Qu'on sen léco lés dits en las minjan :  
 Sé passo pas dé jour qu'on n'angué fa bisito  
 A n'aques magasis qu'ambé régret on quito.  
 Mais qui n'a pas bist tout lé ba é ben  
 Dé la plaço del Capitolo,  
 E sas barracos en plen ben,  
 Aquel jour dé grand moubomen,  
 N'a pas ré bist, tout lé mounde y court, y rigolo,  
 Tout lé moundé y croumpo boubous  
 Joujous é toustous,  
 Tambours, trounpetos, bioulouns, canous à mi-  
 (traillo,  
 Tout aoutan d'instruméns de sabat,  
 A randré fat,  
 Proumésés à la maynatchaillo,  
 Qué toujour prén é pla raromen baillo.  
 Lé jour del prumié dé l'an  
 Cadun sé douno lé plazé, lé lézé,  
 D'ana tout bisita, tout bézé  
 Cadun anfin fa l'*etudiant*.  
 Aquel jour, toutes las carrièros,  
 D'inquios a las barrièros,  
 Soun claoufidos dé bisiturs  
 Et dé counplimenturs  
 Qué bous souétoun la bouno annado,  
 Millouno sé sé pot qué la qu'abets passado.  
 Oun qu'anguets, dé cado coustat,  
 Entendets le mémo *sicut erat*.  
 Pey, poudets pas quita bostro démoros,  
 Métré lé nas déforo,  
 Sans rancountra pla gens qué nou couneysses pas,  
 Qué bénoun bous douna dé sarrados dé mas,



Anfin, s'aquélo journado  
 Sé passo touto en souhets dé bouno annado,  
 Es qué cadun, bezets, ambé sous counplimen  
 N'en bol à bostré argen.  
 Dins aquel jour de rouïno  
 Tout lé moundé bous assassino,  
 Es piri qu'à la fourest dé *Bondy*.  
 Ya pas mouyen dé s'en sourti,  
 Car pertout, coumo aqui,  
 Demandoun : *la bourso ou la bido* ;  
 Car bou la souéton courto ou lounguo à bouloun-  
 (tat.  
 Séloun qu'ets générous ou séloun qu'ets sarrat ;  
 Pey cal paga cado mentido,  
 E s'en dits may dins aquel jour,  
 Qué dins tout l'an et toujours.  
 Jutchats doune sé bous cal bostro bourso garnido,  
 Aquel jour dé parado, aquel jour dé brandido,  
 Mais you qué sabi ço qué n'es,  
 Dé tout aquel moundé coubés,  
 Qué sabi qué las bisitos  
 Qué sé fan  
 Lé prumié dé l'an,  
 Sount la plupart hypoucritos,  
 M'enfermi dins moun estuch  
 Per pas aougi le mendré bruch,  
 Ço qué n'enpatcho pas dé dedins ma guérito,  
 Oun bibi coumo un hermito,  
 Dé fayré forço souhets,  
 Per toutis les bounis sutchets :  
 A part lé souhet dé bouno annado,  
 Dé pla d'aoutros accoumpagnado,  
 Souhéli qué bous passets,  
 Tant qué pouyrets,  
 Dé la bisito entéressado  
 Des médécis, qué bous passets des aboucats,  
 Qué soun aoutant de grujofats ;  
 Souhéli qué bostro lounguo bido,  
 Dé gayétat siosqué ramplido,  
 E qué bostré ennemic aoujo souben  
 Dé mal dé dent,  
 Souhéli qu'aoujets d'argen coumo un biel gous de  
 (piouses,  
 Ou l'aygo qué courrits as riouses ;  
 Souhéli qué bostré bounhur  
 Siosco parfet, siosco sigur,  
 Qué lé prumié de l'an qué nous aganto  
 Bou n'accordé milo e milanto,  
 Qu'anfin aoujets toujours bouno taoulo, boun plat  
 E qué Dious bous mentengo en parfeto santat.

M. C\*\*\*

*Dépôt chez tous les libraires.*

Toulouse, imp. des Orphelins Jules Pailhès.



526-5